



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY



HX Q4WW F

KPC 508

Méditation pour chaque
jour du mois
indépendant des îles Marquises

9863

(176)

KAITUTO

NO TE TAU PO

O TE MEAMA

V. C. I. S.

PAPEETE
IMPRIMERIE LÉONCE BRAULT
Rue de Rivoli

—
1898

K 12 508

**HARVARD COLLEGE LIBRARY
COUNT OF SANTA EULALIA COLLECTION**

GIFT OF

JOHN B. STETSON, Jr.

Mar. 12, 1925



PEREFATIO

Umoī te kaituto i te tekao o te Etua, áóé e meitai te koekoe, áóé e koé te mikeo. I peáu tia mai hoī e te Kuhane-Meitai : Me kaituto toitoi i na paona é fa o te énata, e koé nui te mikeo (Eccl. 7. 10.)

O te énata ú kaituto toitoi i te matena, i te haatoitoi ia tekao me te Etua, i te havaii pe, i te ani áóé e hina i te tiaporo, áòè e hava i te mikeo.

U haátia hoī te tau kiritiano i te pohué o te poi koekoe meitai io hé ani, i te veà-veà o te poi pe io he ahi i te havaii pe ; atia ia te e kaituto i hua tau tekao, u tufaa ; ma éià úa hina i te potii o te tiaporo, úa toó i te mikeo, úa topa oi he havaii pe. Umoī te kaituto i te te-

kao o te Etua, ù potano te koekoe, ùa koé te uo, ùa koé te ìi meá hée ma he àànuì o te àni. U peáu Peramino, hakaiki epikopo : Aóè e meitai te koekoe o te kiritiano koé te kaituto i na paóna e fa o te enata. U peáu Teretia peato : E aha á ù koé nui te poti o te tiaporo, me koé te kaituto i na paóna e fa o te enata, e topa hoi te enata io he havaii pe.

Mea iti hoi te mikeo o te énata ìi kaituto i teiá á, i te haàtoiloì na tekao, i te havaii pe, i te àni ; e aha à ùa hina i te tiaporo, e aha à ùa too i te mikeo, e titii poihoó, na te mea áòè e pii atu te mikeo me te kaituto, vaána e te poi peato.

I teià à, i teiá à, á kaituto i te tekao o te Etua, à pure i titahi pure mea kaòha i te Etua, i te anera tiai, i te poi peato. Me hana atii, e pohué koakoa anatu io he àni. (St. Liguory.)



KAITUTO

NO TE TAU PO

O T E M E A M A

PO 1.

TE KOEKOE TOITOI.

1. Eia io te Etua te tau mea meitai ia
ōtoa, ia ōtoa : te mou, te pohué, te ékaéka
anatu. Eia io te tiaporo te tau mea pe ia
ōtoa, ia ōtoa : te ahi veāveā okó, veavea
anatu ; e ahi te faé, e ahi te tapi, e ahi te
oā... E te mea tuaave nui ! U titii te poi
mikeo i te Etua mea toó i te tiaporo.
Umaha i toó ai i te tiaporo, me to ia tau
koina pe, me to ia tau mikeo ? Na te kohoa
hoi i te tau mea inoino, na te kohoa i te
taetae avai noa, i te taetae pao vave. Ma-
mamaūi kohoa i te pohué anatu io he āni !
O te poi mikeo hoi te poi tuāave nui ! No
te tutu i to ātou iima me te paāpaa kena
oko ia toó i titahi mikeo, e taā te ue, ādē e

toó hakaúa i te mikeo. E aha oti ù te e metao aè ó te veàveà anatu te tuki o te mikeo ; o te veàveà *anatu* te mea pe oko, pe oko.

2. O te poi u kaoha tiatohu i te Etua, ù kohoa i te pohué io he áni me ia, ó ia nei hoí te poi koekoe énata motua, te poi koekoe toitoi, Mamaú te poi ua hana i te hana me he hana o te poi peato, no átou te pohué koakoa anatu ! O te énata ù kaóha i te Etua io he énata tiatohu, ó ia nei hoí te énata koekoe maáma, koekoe tuhuna nui oko ; úa topa ia ia tahipito tuhuna ke. U peau Bonaventure peato i te ferea Elois : Me nui aè te kaoha o titahi paáfio koekoe potano keèvo, iti iho tu'u kaóha i te Etua, úa topa hoí tu'u maáma, tuù meitai, i to ia maáma, i to ia meitai

3. Oi noho tatou i te aomaáma nei, umoí e hana me he poi tuáave, à toó i te koekoe toitoi, i te koekoe meitai ; à haàpohué mei to tatou kuhane, mei to

tatou tino io he àni. Umoi e haātata atu me me te tau mea e hano i to tatou koekoe haāfaufau ; à pure i te pure ; à haākoaà i te tau takarameta. Ma eiā aneiho te koaà i te koekoe toitoi, i te koekoe meitai me te pohué anatu io he àni.

A titii i te koekoe toiti, a toó i te koekoe énata motua, á heé ma he aānui o te àni (Prov. 9. 6.)

E te huaà énata, e aha ta ótou e imi nei? Ua imi ótou i te mea meitai ; io te Etua aneiho te tau mea meitai (Akutino peato.)

PO 2.

E MEA AVAI NOA TE TAU MEA IA OTOA,
IA OTOA TE AOMAAMA NEI.

1. E mea avai noa hoí te tau mea ia ótoa o te aomaāma nei ; áóé i eiā te ékaéka, koé nui, koé nui. A hakaóno i te tekao o te tuhuna nui o Perenato peato : Io te Etua aneiho to tatou meitai, io te Etua aneiho to tatou koakoa.

E tikoe aneiho tahihipito taetae; e tikoe aneiho tahihipito koakoa. E mea haameeta hoi te koeke enata i una o te fenua. A tiohi iho i te tau hakaiki nui, i te tau enata me te taetae nui; aha to atou ekaeka? Aoe hoi; nui to atou kuhane koe, nui to atou hopo, nui to atou eitani, nui to atou ovi... koe nui to atou ekaeka, koe nui, koe nui.

2. Aue! Umaha, oti to atou tufaa i tenei tekao o Ietu-Kirito: E aha a hoi ua nui te taetae o te enata! E aha a u koa ia ia te tau mea ia otoa o te aomaama nei, anoa u haamate i to ia kuhane, i hea te mea no te tuku atu no to ia kuhane? (Mat. 16. 26). Nui, nui hoi te hua enata i hee io he fae monako, i te fenua ataha, mea i hua tekao nei. Ua toote poi maretirio i te mate, memae oko mea i hua tekao nei. Toitoi poa hoi ta atou, na temea u kaituto i te tekao a Ietu-Kirito peenci; E aha a ua io ia oe tootahi te tau mea ia otoa mei una

he fenua, umoi e ió atu te Etua ia óe, áóé koakoa io he koekoe, na te mea i pepena tia te énata é te Etua haákoaá, i te Etua kaóha. Umoi hoí e kaié i te taetae o te aomaáma nei, epo ù titii.

3. E peheá he mea poto to tatou noho i te aomaámae nei peheá he mea paò vave te tau mea ia òtoa o te aomaáma nei, à tiohi iho i te tau mea ia ótoa i áò nei me he mea kakoé nui aneiho. Mea tupe noa aneiho, vaána e Teretia peato, te tau mea paò vave. A koe te maimai i te mea paò vave, à nui te maimai i te tau mea te e paò ; à haákoaá i te tau taetae tiatohu mei ùna o te áni ; áóé hoí e paò hua tau taetae i te tupu. i te huhu, áóé e ió i te kamo. (Mat. 6. 20)

O te énata ù hohoa aneiho i te taetae avai noa o te aomaáma nei, áóé e kóhoa i te taetae mei io te Etua. (Ioáne 4, 4.)

Áóé e áve ia te taetae avai noa io he áni, ò te hana meitai aneiho te mea e áve i éiá.

PO 3.

TE POHUÉ KOAKOA IO HE ANI,

1. O te haàkoaà i te pohué anatu io he àni te hana tiatohu o te énata; e mea avai noa tahipito hana ia ótoa. Me nui noa te taetae, ò ia te mea meital vaàna e te énata ; atiá e mea avai noa teià, na te mea epo ù titií ia tihe te matena. Aóé e àve o te taetae i havaii, e avai i te fenua. E aha à úa iò i titahi énata te taetae iá ótoa mei te aomaàma nei, me topa hua énata io he ahi i te havaii pe, e aha te mea meital e koaà mai ia ia mahua tau taetae ? E hua mai hua tau taetae ia ia haapohué mei te ahiveàveà ?

2. U peáu Taverio peato : E tahi aneiho mea meital i te aomaàma nei, ó te haàkoaà i te pohué anatu io he àni ; e tahi aneiho mea faufau i te aomaàma nei, ó te haátopa i te kuhane io he havaii pe mea i te mikeo. Ia mate te enata, áóé e koaà te hua mai i te aomaàma nei

mea haámeitai i te koekoe ; à haámeitai oi te e mate. Ia pohué te énata io he àni, ù koakoa anatu ; ia topa te énata io he havaii pe, ù veáveá anatu. E toó ta titahi hakaiki nui à fati te Vikario Benoit XII i to ia maímai ; na te mea àóé e toítoi to ia maímai, ù peáu te Vikario ia ia: Anoa e ùa kuhane ia'u nei, e ió titahi kuhane o'u ia òe ; e paheá e tahi o'u kuhane, àòè e kōaà ia'u te tuku ia oe etiá e faufau, ù maímai hoí au i tu'u ona kuhane haápohué io he àni.

3. U mate nui letu-Kirito i ùna o te peka, etiá e pohué tatou io he àni ; ùa hano te tiaparo ia tatou haá mikeo etiá e topa io he havaii pe. U peáu Firi-po Nerio peato : Poi tuáàve nui te poi àòè e hano i to atou kuhane haápohué io he àni. Oi noho tatou i te aomaama nei, umoi e hana me he poi àòé i haátiá ; à vae i te pohué koakoa anatu io he àni ; me te e pohué io he àni, e veáveá anatu hoí io he havaii pe me te tau tiaporo.

U peau letu ia Marata : “ Marata, Ma-

rata, mea nui to òe hana nei ; e tahi mea meitai, ò te haápohué i te kuhane io he áni (Ruka 10, 42.)

Me naò te kuhane io he áhi, ua haò hoí te mea ia òtoa (Eukere peato)

PO 4.

TE MATENA

Aóé he énata e metao peenei : O au e pohué ánatu. U metao hoí te tau énata e mate ; atiá mea nui te énata e metao mea òa, mea òa, mea òa í toe á tahi, á mate ai. Umaha òti i hakahae pu ai te énata ia ia ! E aha te mea e koaá mai ma éià ? O ai te énata e koaà í te peáu : O au e pohué oíoi, ò au e pohué í te ahiahi nei ? U hakatu tia hoí te pohué o te énata mei te áomaáma nei í te mea auahi í puhí tia mai e te metani ; í te teita peéhu oko, ia tihe te oumati, ú koki anamai, ua mate. Ahea á mate ai tatou ? Aóé tatou í íte, áóé í íte íe anera, ò te Etua toóta-hi te í íte.

2. Matena faufau to te poi faufau. Ia peáu te perepitero i te énata mikeo pe-enei : E hoa, á haápeipei, ua tata to óe matena ; ú pupukina, ú úhane koé, úa hopo ; á tahi á metao i te tau mikeo i mikeo tia e ia ; á tahi á metao i to ia ái karatia. Ia metao ac i te haátoitoi ia te-
kao, i te havaii pe, úa mate i te hopo ; hopo, hopo okoki ; ú peáu me te ue : Mamau umoi e mate vave au, etiá o koaá te haatavae i te peke o te Etua ! Atika úa paó te ava i haátoitoi ia e te Etua meanoho i te aomaáma nei. Hopo ana, pupukina ana, ú mate nui, úa fíti to ia kuhane i te tekao haátoitoi me Ietu-Ki-rito.

3. Ia tata te matena o te énata mi-keo, ú pupukina oko to ia koekoe, ua tete te niho, ú nanahu te ii, me he mea úa naó io he havaii pe. Mea ke anatu to te énata koekoe meitai ; u tatai mau i to ia pohué io he áni, úa nui to ia kaó-ha i te Etua, ú maimai oko i tatai atu me ia. Ia koaá i te komunio mea viatiko, ú

peau : “ Afea tu’u titi i te fenua nei ? Afea tu’u fiti io Iehova ? Aòè i ékaéka tu’u koekoe nei ; ia ite i te Etua, á tahi á ékaeka ”. E auana ta ia ùa tihe io he àni nui.

“ U tata eka po oti tu’u matena (I Rois 14, 43)

“ Me pohué hakaùà mai titahi tupa-paù, e hana mana iti teiá no te hakatu atu i te matena meitai o te énata mikeo nui, vaàna e Vincent Ferrier peato.

PO 5.

TE HAATOITOI IA TEKAO IA PAO TE AO AOMAAMA NEI

1. Ia mate te énata me te mikeo nui, e aha à e tahi aneiho ; ia tihe i te haà-toittoi ia tekao me te Etua, i te paóna o te aomaama nei, ù nui oko to átou haá-haá me to atou mateteka, vaàna e te Kuhane-Meitai. I hua á e faaite te Etua i te tau énata i to átou mikeo ia ótoa, ia ótoa, etiá e mate i te hakaina ; i hua

à tute te Etua ia àtou mei vavena o te poi meitai, me te titii ia àtou io he áhi veàveá anatu. E aha à úa noho leroni-mo peato io he ana i Peterehemi, e aha à ù nui oko to ia pure me to ia haàtavae i te peke o te Etua, ia tihe to ia metao i te haàtoitoti ia tekao me te Etua, ù hopo oko, ù hopo oko.

2. Mea ke anatu no te poi meitai : i hua á ù koakoa nui oko te poi i mate me te karatia. Ua toó letu ia àtou i úna o te áni.

3. Eia hoì te umu tumu o te mikeo nui : ù koé nui te karatia, ùa koé te metao me te hopo i te haá toitoti ia tekao me te Etua, vaana e Akutino peato. Atika, á óno toitoti óe, e te énata tohe mikeo, i te tekao i peáu tia mai e Pauro peato : U haápuke òe i te peke o te Etua i úna o óe ; ia tihe óe i te tekao haàtoitoti me te Etua, e kona nui òe i te hakaina : atii te hana atii te hoì te tuki (Roma II. 5,6.)

“Ia tihe au i te tekao haātoitoi me te Etua, peheā ta’u nei ? Ia ui mai, peheā tu’u peāu atu ia ia ? (Iob. 31, 14.)

• A ōno toitoi, me hakana i titahi mikeo i te motua penitenia na te hakaina, ia tihe i te tekao haātoitoi me te Etua, e haāte hoi te Etua i hua mikeo i hakana tia i te tau énata ia ótoa, ia ótoa. (Perenato peato.)

PO 6.

TE HAVAII PE

1. Mea tialohu te ahi io he havaii pe ; na Ietu-Kirito i hakako mai ; àôè. hoi ekoaā ia Ietu i te teka, i te hakahae mai. U veāveā nei, e veāveā anatu i óto o hua ahi te tau énata i mate me te mikeo nui, e aha à e tahi aneiho. I te aomaāma nei, ò te veā te memaeoko, áôè he mea atii ; atia oko atu, oko atu te ahi i te havaii pe, na te meana te E tua ipepena i hua ahi mana mea huke i

umu mīkeo. A haaputuputu i te tau memae ia ōtoa, ia ōtoa o te aomaāma nei, e ata aneiho hua tau memae no te memae io he havaii pe, vaāna e loane Chrysostome peato.

2. E toú mea ue oko io he havaii pe :

1° U peáu te énata mīkeo : e aha ta'u mea e koaā mai ma te putui pu i te te-
kao o te Etua, ékaéka avai noa, ékaéka pao anamai ; ó au te énata pupure nui, e veáveā anatu ta'u nei me te tau tiapo-ro. O te mea haáhaā oko tu'u mīkeo nei.

2° Hana maeā te haákoaā i te pohue anatu io he áni. Mamaú i hana au i hua hana ! Mamai i koaā ia'u te hana i hua hana i tenei mou po ! O te mea haáhaā oko tu'u paópaó ómua, à tahi nei tu'u paópaó oko !

3° Mea nui, mea nui te karatia i tuku tia mai e te Etua ia'u mea haákoaā i tu'u pohué io he áni, áóé au i haātae-tae atu, áóé au i hana atu. O au te éna-ta pupure nui ! O te mea haáhaā oko tu'u pupure nei !

3. U pepena tia te énata e te Etua mea ite ia ia, mea kaóha ia ia, mea tutai atu me ia. Na te mea áóé e koaà i te énata mikeo te tutai atu me te Etua, ó ia hoi to ia ue nui oko io he havaii pe, etià te ahi, etia te potano, etià te piau, etia te honie, etià tahipito memae ke. Anoa i koaà i te poi i topa io he havaii pe te tutai me te Etua, ú koakoa nui oko, me he mea ùa noho io he àni. E te mea ue oko, koé nui àtou e tutai me te Etua, koe nui àtou e ite ia ia ; ú tete anatu to àtou niho na te oko o te memae, ú nahanahu anatu to àtou ii.

O ótou, poi haataetae ane iho ite tino, peheà to óutou noho io he ahi veàveà oko, veàveà anatu ? I hea te ékaéka i éià ?

I hea óa te mea i koaa mai ma te ékaéka avai noa, ma te ékaéka pào ana-mai ? O te veàveà anatu io he ahi i te havaii pe te mea e koaà.

PO 7.

TE KOAKOA ANATU IO HE ANI.

1. Ia tihe te kubane io he àni, ia ite toi-toi i te Etua, á tani à pe nui i te koakoa.

Ia ite i te tau mea kanahau oko io he àni, ia ite ite poi anera me te poi peato, ò te mea tiatohu, ia ite ia Maria peato me letu, pe nui i te mahaô me te hahi i te Etua. Aoè i tiohi atu te kikomata, aoé i ono atu te puaina, aoé i metao atu te koekoe o te enata i te tau mea meitai i kauco tia e te Etua i òto he àni no te huaá meitai, vaána e Pauro peato. — (1 Cor. 2. 9.)

2. I te aomaàma nei, e aha a ù nui oko te koina, e mea paô vave; e aha a ù nui oko te ékaéka, e mea nano vave; mea ke anatu io he ani. Na te mea i oto o te Etua te tau mea meitai ia otoa, ia otoa, u te e koaà te huaâ peato i to átou metao haápiko mei io Etua, ù te e koaá i to átou metao haápae ke mei io ia, koe nui te paopao, koé nui te nano. U nui aé, nui aé, nui aé to átou ékaéka; ù ko-

hoa anatu, ù ape anatu io te Etua, ù io anatu ia atou.

3. U toitoi noa hoi to tekao o Akutino peato peenei : E aha á ù hana anatu mea hoko i te pohué io he ani, e hoko iti teia. Nui hoi te pure me te haáone ta te huaà anakoreta mea hoko i te pohué io he ani; e hoko iti teia. U titii hoi te poi peato mei te taetae, mei te fenua, mei te hakaiki ia o átou, mea hoko i te pohué io he ani, hoko iti me teia ; atia ua ava hua hana momo etia e iô te áni ia átou. Ūmoi hoi e kohumuhumu i te memae, i te mate, i te hana, i te paopao; a toó i ue i te Etua mea hoko i te pohué io he ani ; e taetae hoi teia mea hoko i te áni. Ia nui te paopao, ia nui te ue, á heau te mata i una, á peau : epo ù koé nui tu'u ue, epo ù koa-koa anatu au io he áni.

Maumau te koekoe ue ! na te mea e koé to ia ue, vaána e Ietu.

Maumau te énata i maáa tia i ue o te meitai ! na te mea no ia te áni, vaana e Ietu.

Maumaù te énata i haapetia, i potoho tia

i ue ia'u : à nui to ia koakoa, a nui to ia hahi ; na te mea e nui te taetae no ia i una o te ani, vaàna e Ietu.

Ma te memae, ma te ue te haákoaá i te pohué koakoa anatu io he ani vaàna e Pauro peato (2 Cor. 4. 17).

Me hopo oe i te hana, à metao i te taetae kanahau oko i kanea tia e te Etua mea tuki i to oe hana (Akutino peato).

PO 8.

TE MIKEO NUI.

1. O te aha te mikeo nui ?

O te pae atu mei io te Etua; o te haanouo i to ia karatia, i to ia kaôha, i to ia vaiéi mai ; o te meé ia ia, me he mea ù péau : Aoé e maimai au i te hoóhoò i ta oe tekao; na'uta'u ; e aha á uakoé to oèkaôha mai. áoé au e ono.... No te ite toitoi o te aha te Etua, e ite toitoi ma éiá ò te aha te mikeo nui. Me he mea àòè aneiho te anera me te poi péato i te aò o te Etua. Ea te mea mahao oko, e noke épo anei-

ho te éneta, ua hano i te hakaki me te Etua !!

2. Ea titahi mea mahao oko ! U mate nui letu i ùna o te péka mea haàpohué i te énata mei te ahi veàveá ; u makaka te énata i to ia Haàpohué. Aoé atii ta te nuhe, àoé i nanahu te nuhe i to ia fatu.

A haàtaetae memate oe ititahi énata, me makaka hua énata ia oe, ue oko hoi oe meia i to ia makaka pu ia oe ; atii hoi ta te Etua. Aoé hoi e tae te mate i te Etua ; no te tae o te mate ia ia, e mate nui te Etua i te ue, ia ite i te kaòha koé, i te pakaihi koé, i te makaka pu o te enata ia ia, me he mea koe nui i mate i ùna o te peka na te hakaóha i te énata.

3. E te poi mikeo e veàveá nei io he ahi i te havaii pe, i hea to ótou tekao ómua e mea avai noa te mikeo ? A tahi à ite ótou áóé i tutai to ótou tau memae me te umu o to ótou mikeo. O te Etua hoi te tumu o te vaiéi ; atika ù pepeua te Etua i te havaii pe mea huke i te umu o te mikeo ; etià tena, ù mate nui letu i ùna o te peka mea hoói i te mikeo o te

aomaama nei. O te mikeo te mea pe oko, pe oko ; ó te mikeo aneiho te mea pe oko. E to matou Etua, ù haatiá hoi matou ó te havaii pe te taha pe oko, pe oko ; atiá áóé e hopo matou i te mikeo, na te mikeo hoi te haátopa i óto o te havaii pe. U haatiá hoi matou ua mate letu i ùna o te peka mea hoòì i to matou mikeo, atika ù toó anamai matou i te mikeo.

I àó o te mikeo te énata ù mikeo ; ù moehu hoi te énata áóé e pohué io he áni (loane 8. 34).

Mea oko nui te mikeo, na te mea mea oko nui anatu te Etua (Toma peato).

PO 9.

TE NUA HAKAUA I TE MIKEO.

Ma te peniténia, ù pohué hakaúa te kuhane : atia áóé i pohué anatu ; me toó hakaúa i te mikeo, ù mate hakaúa te kuhane, ù nui aé, nui aé te maki mikeo. Ia tutuki te énata mikeo me te Etua ma te peniténia, ù haámotii, haámotii te tia-

poro etiá e mikeo iho ; ù maimai hoi i te ihi hakaúa io he kuhane o hua énata. Me hína hakaúa hua énata, u peáu te tiaporo : E hua hoi au i óto o tu'u faé i tute tia nei au. Ia tihe iho, u koaà i te faé ù hoata, u tapi ia ; á tahi à toó e fitu tiaporo ke pe oko, à tahi à uú me te ihi hakaúa i eiá, etiá te pe kapo iho nei (Ruka 11, 24).

2. Ia pohué te enáta mei titahi mate nui oko, ù eevaka hoi te tino, úa koé te ii ; me hemo hakaúa i hua mate, peheà te haápohué aè ? I hea te ii i toe ? A tií aneiho no te enata te i hua iho i te mikeo, ù te e feo to ia kuhane, àóé he uo i te meitai ; ú aàhi te tiaporo ia ia me he aàhi o te enata i te ihovale me te punutu.

3. Me maimai hua énata i te pohué io he aní, á oho te ii i te mikeo haàkoé, à hano i te meitai, á hani i te meitai, etiá e koaà i te aotahi i te tekao o te Etua. Etiá e meitai te koekoe, i teiá à, i teiá à, à peáu : E letu, umoi òe e ao à hava tu'u kuhane i te mikeo. A pure i

te pure, á haákoaà ponihoó i te komu-
nío. I teià á, i teià à, á vevai ia Maria
peato, mea ape i te koekoe tohe i te
meitai.

PO 10.

TE HANI I TE MIKEO

1. Ia hani te énata i te mikeo, ù po
nui to ia koekoe, áóé e íte i te mea fau-
fau, àòé e íte i te mea pe oko á koaá
mai ia ia mato ia tau mikeo. Ua hana
me he mea áóé he Etua, àòé he áni, áòé
he havaii pe. Mea avai noa ia ia te tau
mikeo nuinui. Na te mea àóé e íte i te
tau mea pe oko à koaà mai nei ma to ia
tau mikeo, peheà te titii atu ?

2. Ia hani te énata i te mikeo, ù te e
hopo. Taetae oko hoi i te poi haátia te
óónai o te Etua, te óónai o te koekoe, te
hopo i te topa io he ahi i te havaii pe ;
atia mea avai noa hua tau mea i te éna-
ta ua hani i te mikeo ; ù feó kakaka to
ia koekoe me he kiva ; ó ia nei te ha-
katu toitoi o te topa io he havaii pe.

3 Ia hani te énata i te mikeo, ù koé nui te uo i te meitai ; ù koé nui te ii i te mikeo haáhua atu. Ia hano títahi maàà i te hoa haámate, úa ta ia ia ; à tahi ta ia, àòé e mate nui te hoa, e koaá ia ia te utu atu ; me nui te ta tina, ma éià ùa paô to ia ii, ù te e koaà te utu atu, me te ma te nui. Atii aneiho tenei, á tahi mikeo, á ùa mikeo tina, áóé i koé eka te ii o te kuhane, ù koaá te haáhua atu i te mikeo ; me tohe i te mikeo, ù te e koaá i te haáhua atu. U hakatu tia te énata hani i te mikeo i te énata i tita me te épo meia i te keá keí i vii ma úna o ia ; me te e koaà i te hapaí aé i hua keá, ù pe aneiho ma áó o ia.

Atii te mikeo ma he tino tamaiti, atié hoi te mikeo ma he tino koóua (Prov. 22. 6.)

Atii te iò o te teita i te metani, atii hoi te iò o te enata hani i te mikeo i te motii o te tiaporo ; ù hina iho, hina iho (Kerekorio peato).

PO 11.

TE HAKAPAHĪ I TE MIKEO,

1 .Ma te hakapahi faufau te haātōpa i te kuhane o te hōa io he ahi i te havaii pe. E koaa i te hakapahi ma te tekao ino me te hana ino. U haāhaā oko te Etua i te mīkeo hakapahi faufau, na te mea ū taetae oko i te Etua te kuané o te tau énata ia ōtoa, ia ōtoa. E ata hoi te kuhane énata no te Etua. U pepena tia te kuhane énata e te Etua mea ekaeka anatu me ia i ūna ó te āni. Ua tuku letu-Kiritō i to ia toto mana, paó tu, mea haāpohué io he āni i te kuhane énata. Ma hea te tīhi he taetae oko teiā momau? Ma te hoko. E hoko nui, he taetae nui. U hoko nui oko letu i te kuhane énata ; taetae nui oko te kuhane enata. Atii te taetae o te toto mana o letu, atii hoi te taetae o te kuhane énata.

2. E peheā u nui oko te haāhaā o te Etua i te mīkeo hakapahi faufau, e nui oko me te umu e huke atu. I péau tia mai hoi e letu, peenei ā : O te énata u hakapahi i te mīkeo i tīahi toiti haātiā

ia'u, e mea meital aé no ia á filii i titahi keá nui i to ia kaki, á titii a i ôto he tai (Mat. 18. 6).

Atii hoi te kohi i te ihihania me te titii atu ia ia io he ahí ; atii hoi te kohi no te kuhane anera i te tau énata haka-pahi i te pe, me te titii ia atou i ôto he umu veàveà o te havaii pe. I éià hoi, te ue oko me te haátele i te niho (Mat. 13. 40). E mea inoino i te i te énata na ia te haka-pahi i te mikeo ; e huke hoi te Etua i te umu o to ia tau mikeo ; me te umu o te tau mikeo o te faétoa i haka-pahi faufau tia e ia.

3. Me maimai i te pohuè lo He ani, á haámeitai iho i te faétoa i haka-pahi pe ia ; á haákapahi ia átou i te meitai ma te tekao meitai me te hana meitai.

Aue hoi te énata na ia te haka-pahi i te mikeo (Mat. 18, 7).

A nui, á nui te mikeo, úa tuku te Etua i te umu ; na te mea hoi e mea haà haà oko ia ia te haka-pahi i te mikeo, u huke anatu i te umu o hua mikeo, vaána e Ioane Kiritotomo peato.

PO 12.

TE MIKEO ITI

1. A hopo i te mikeo iti. U peàu hoi te tuhuna Alvareto peenei à: Aòé hoi e mate nui te kubane i te mikeo iti, atíá ú èèva-ka oko. I atihe te haàmotii ako o te tia-poro, áóé e koaà te haáhua atu, úa hina, U peáu Teretia peato : Mei te mikeo iti, à iti, á iti, à haàpohué mai, e Ietu ; na te mea makaka iti te makaka o te tau tiaporo i te makaka o te mikeo iti.

2. U peáu ta te énata áóé e hopo i te mikeo iti, e pohué au. E peáu ta'u i hua énata : me tohe i te mikeo iti, áóé e pohué. U peáu hoi Ihitoro peato peenei à : O te énata áóé e hopo i te mikeo iti, epo ua toó i te mikeo nui ; e ao te Etua i to ia hina nui meia i kaqha iti ia ia. U peau hoi Ietu a Heneriko Suzo peato. U tata eka hoi te hina o te faétoa áóé e hopo i te mikeo iti, epo ú káé nui to áton karatia. Ua ite Teretia peato i te taha úa noho io he havaii pe, anoa úa fati i titahi mímikeo iti kaie pu.

III. Ia toó te énata i te míkéo iti, úa iti me to ia uo i te meitaí, ú tapaùù. U

tutahi hua énata me te enata i hemo i te pokoko ; áóé he mate oko, atíka he mate faufau ; mea oko, mea oko te haákoé. I peáu tia mai hoi e te Etua peenei á :
 « Mamaú ù makaú oti, mamaú ù veàveá oti ; ohia ù mahanahana aneiho, eia á úá au ía óé mei òto o tu'u tafa. » Me he mea u peáu : Eia á titii au ía òe ; eia á pió au ía óe í te karatia haápohue io he áni.

O te énata úa toó i te mikeo iti, epo úa toó i te mikeo nui : (Eccles. 19. 1).

Mea tukeè oko te tiaporo makaka ; òmua ika, úa humu i te énata me te ave uoho i mui ihoo ua humu i te énata me te tui tui kioé mea heana no átou, vaàna e Harakiko peato.

PO 13.

TE HAATEVEÉ I TE HUA MAI I TE MEITAI.

I. U peáu te énata mikeo : Epo, tu'u titii i te mikeo, epo tu'u hua mai i te meitai. Tekao pupure nui hoí hua tekao. Umaha óa te peáu epo, N'ai i peáu ía óe e pohué óe oioi, e pohué óe i te à nei ?

U peáu te Etua e vaiëi i te énata te i haàhaá i to ia mikeo ; koé nui i peáu e vaiëi i te enata ù haàteveè te hua mai i meitai. E haàteveè i te aha ? Mea tohe i te mikeo ? Peenci te haàvaiëi mai i te Etua ia óe ?

2. U peáu hoi te tuhuna nui o Toma peato peenci à : Me hava óe i titahi mikeo nui, epo ùa too òe i tahi-pito mikeo nui. U haàtupu hoi te mikeo nui i tahi-pito mikeo nui, meia i te koekoe po, meia i te koekoe maimai i te mikeo, meia i te fi koé. Ia tihe titahi motii nui, ma èià ù hina nui. Me te o koaà ia óe te haakoé i te mikeo i tenei mou po, peheá te haàkoé ia hani i te mikeo ?

3. E aha te piò o te kaóha nui o te Etua i te énata i te maimai i te tohe atu i te mikeo ? U meitai noa hoi te Etua ; atika u toitoi noa. No te hakatu ta te Etua i to ia vaiëi mai i te poi meitai me te poi mikeo ; no te tuku i te matena meitai ia átou hakatahi, u haka-pahi te Etua ma èià i te mikeo. Aóé hoi atii na te Etua ; ia ku i tehaàteveé, ua huke hoi i to ia umu.

Etue o au mikeo ; u maimai hoi au i te hua mai i te meitai (Ps. 76, 10).

Mai tatai, tatai ta te Etua i te hua mai o te énata mikeo i te meitai, me haà-teveé anatu hua énata, ma éiá uà huke te Etua i to ia umu, umu oko hoi (Akutino peato).

PO 14.

TE HAKAINA I TE MEITAI.

1. Me maimai i te pohué io he áni, à titii nui i te hakaina i te meitai ; no te mea pe aneiho te hakaina ; à toó i te maio me te meé o te poi faufau i ue ia Ietu-Kirito.

E mikeo hoi te hakaina i te pure, i te tau takarameta i te hana meitai. Me toó i te hakaina i ue i te Etua, mea nui te karatia e koaá ma éiá, è pohué koakoa io he áni.

2. Ia toó ótou i te maio me te meé o te poi pe i ue i te Etua, u haàmeitai ána-mai te Etua ia ótou. E peheá u haàmeitai mai te Etua ia ótou, he taetae nui oko teiá ; mea avai noa te meé me te

maio o te poi pe, àòé e toto te tino ma eia.
Ia meé mai te poi pe, á pure io te Etua
a ue ia átou; e poi matapo hoi te poi meé
i te meitai; ua feò hua poi ma te àànui
o te havaii pe. A haákaoha i te Etua
meia i haàmaama i to òtou koekoe; a
heé toitoi ma he àànui o te àni.

3. Etia e koé te hakaina i te meitai, á
metao aé he taetae nui oko te karatia,
he mea avai noa aneiho te tekao haà-
tavaé o te huaá ènata. I peáu tia mai hoi
e Ietu-Kirito peenei á : Umoi hoi e hopo
i te poi makaka, ù koaá aneiho ia átou
te haamate i to òtou tino; á hopo i te
Etua mea i koaá ia ia te titii mei to òtou
kuhane, mei to òtou tino io he ahi i te
havaii pe. Umoi hoi e ke atu me te poi
pe, á ke toitoi me te Etua; àòé hoi e
koaá i te haátaetae i na hakaiki tokoua.
Me kaóha i titahi, ù haáhaa i titahi; me
toó i titahi, ù titii i titahi. Atii hoi tenei;
àòé hoi e afi te kaóha i te Etua me te
kaóha i te poi meé i te mea meitai
(Mat. 6. 24).

No tu'u ke atu, me te poi pe àòé e

koaà ia'u te ke atu me Ietu-Kirito (Pauro p. Gal. 1. 10).

Ohia ù hakatu tia te peka o Ietu-Kirito, i ùna o te àe, umoi hoi te hopo, umoi te hakaina, vaàna e Akutino peato.

PO 15.

UMOI E HAANOUO I TE KARATIA.

1. O te karatia hoi te taetae no te kuhane na te Etua e vaièi anamai mea ia Ietu-Kirito, etià e meitai to tatou koekoe, etià e pohue io he áni. U mate nui Ietu-Kirito i ùna o te peka etià e iò te karatia i te huaà énata. O te énata ù haánouo i te karatia, ù haánouo hoi mei te toto, mei te mate na o Ietu-Kirito. E veáveà anatu te poi mikeo io he havaii pe mea i haánouo i te karatia.

2. A metao toítoi óe, e tu'u kuhane, i hua tekao nei. Anoa i tuku te Etua i ti-tahi énata eteni i te tau karatia i tuku tia mai ia oe, ù meitai oko hua énata, ù peato. I hea to óe meitai? U haánui te Etua i to ia karatia ia óe, ù haánui óe i

to ôe mikeo. Me tohe ôe i te hana ahi, pehea te kaôha o te Etua ia ôe ? A hakaë to ôe kaikino i te Etua ; à haàtaetae i to ia karatia etià e tuku hakaûa mai.

3. U haàtoitoi ia hoì e te Etua te tau karatia e tuku atu i te ênata ; karatia ke no titahi ênata, karatia ke no titahi ênata ; karatia nui no titahi, karatia iti no titahi. O ai te i ite, ia toò hakaua ôe i titahi mikeo, ù koë nui oti ma éià te tuku ia o te Etua i te karatia iâ oe, ù koë nui oti to ia kâôha ia ôe. A hopo, à hopo oko ki.

A háataetae i te karatia o te Etua, à nui to tatou meitai (1 Cor. 15, 10).

Omua te karatia, epo te haàtoitoi ia tekao me te Etua (Pahilio peato).

PO 16.

TE PURE

1. Na tatou anae, áôé e koaà i titahi metaô meitai, i titahi hana meitai ; ma te karatia aneiho o te Etua te koaá. Pehea te haàkoaà i te karatia ? Ma te pure.

U peáu Ietu peenei á : A apé, e iô. O te pure hoi te kiri pepeu i te áni i te huaá énata ; me maimai i te pohui io te Etua, á pure.

2. U vii anatu te tiaporo ma te kao-
kao o te énata me he reone ; e hano hoi i te énata haámikeo, etià e topa io he ahi i te havaii pe, e tahi veàveá tina me átou. Pèheà tè pohuè mei te ahi veàveà ? Mā te pure. I peáu tia hoi e Pauro peato (1, Cor. 10, 13) : U toitoi noa te Etua, e hakatu te Etua i to ia karatia me te motii o te tiaporo ; atika, ù maimai tè Etua á ape tatou io ia i te karatia haà hina i te tiaporo. U peáu hakaúa Pauro peato : Me te karatia o te Etua, koé nui e kiko te tiaporo me au (Philip. 4, 12).

3. Mea meitai, etià e iô mai te karatia mei io te Etua, á vevaô i te poi peato, na te mea ù haà vavaiei mai átou i te Etua i ue ia tatou. Mea meitai oko á vevaô ia Maria peato, na te mea úa tuha Ietu i to ia karatia i te huaá énata ma te áima o to ia kui. Ia ape tatou i te ka-

ratia io te Etua, à ape, mea ia letu-
Kirito. I peàu tia mai hoi e letu peenei
à : Mea tiatohu, o te mea ia ôtoa e ape
i te Etua mea ia'u nei, e iô ia ôtou
(Ioane 15, 23).

O te tau mea ia ôtoa ùa ape ôtou ma
te pure me te haátia nui, ú koaà ia ôtou
(Mareko 2, 24).

U maimai hoi te Etua i te tuku i to ia
karatia i te huaá énata ; atika ú tuku
aneiho i te poi ú ape atu io ia, vaana e
Akutino peato.

PO 17.

KOEKOE HAAMEITAI I TE PURE.

1. A pure me te koekoe hakaie koé.
U peàu lakobo peato : « Aóè e hakaôno
te Etua i te pure o te poi hakaie pu ; ú
hakaôno aneiho i te pure o te poi hakaie
koé (lak. 4, 6). Ua piki io he áni te pure
o te poi hakaie koé, ùa toô te Etua ia
ia. U peàu letu peenei à : « Ia pure
ôtou, umoi ôtou e pure me he poi koe-
koe e ùa, ú maimai i te pure tutu i ùa

he àánui, etiâ e ite a e te tau énata. E peáu hoi ta'u ia ôtou úa ió ia átou ta átour taetae. O ôe ia hano i te pure, à uú i ôto o to oé paôto, à pa i te puta, á pure hakana i te Etua ; á tahi á ió ia ôe te taetae mei io to ôe Motua ú tiohi hakana ia ôe. » (Mat. 6, 5.)

2. A pure me te tatai mau i te vaièi anamai o te Etua ia ôe. Aôé hoi he énata i pure pu io te Etua. U péau hoi Ietu : O ôtou, o te poi áôé e meitai, e koaá i te tuku i te mea meitai i to ôtou tama, áôé e koaá i to ótou Motua te i ôto he àni te tuku atu i te mea meitai i te énata e ape atu ia ia (Mat. 7, 11). Ia ape io te Etua i te mea meitai no te kuhane, e ió. Umoi to Etua i maimai i te tuku atu i to ia karatia áôé i peáu : « A ape, e ió. » (Akutino peato).

3. A tohe anatu i te pure. Mea paópaó i te énata te kai ape, mea ke i te Etua. U maimai hoi te Etua á puré anatu tatou ia ia, mea he poi ài karatia i peáu ai Ietu peenei à : A ape ótou, e tuku atu : à imi ôtou, e koaá ia ótou ; á paôpaô i

te puta, e pepeu a ia ótou. Me taha atu i te po titahi o ótou io titahi hoa pii o ia, me te peáu : E hoa, à tuku mai ia'u e tou' tipa faraoa, epo e tuku atu. Ua tihe io'u titahi manihii, áóè ia'u ona faraoa ô te tukn atu ia ia. U hua atu hua ènata mei óto o to ia faé : Umoi ôe e haápaópaô mai ia'u, ña moe au nei me tu'u huaá fama, û te e koaá i te vaá mea tuku atu ia ôe. Me tohe teià i te paôpaô i te puta, e aha á àôe e vaá te hoa mea tuku atu ia ia i te faraoa meia e hoa pii no ia, he mea tiatohu hoi ûa vaá meia i to ia paôpaô anatu i te puta, me te tuku atu ia ia i te faraoa. Aii aneiho ta te Etua. Aóè a e óno te Etua i te pure o to ia huaá tama ?

A pure anatu, umoi te paôpao (Luka 16, 1).

U vaiéi te Etua i te poi û tohe anatu i te pure.

PO 18.

TE MOTH MAI O TE TIAPORO.

1. Mea nui te mea pe i te aomaáma

nei ; atika o te mea pe oko o te motii mai o te tiaporo, na te mea na te motii mai te haámikeo ia tatou, me te haápaē atu mei io te Etua. Ua ao te Etua i te motii mai o te tiaporo ia tatou etiā e koē to tatou hakaie pu, etiā e ape atu tatou io ia i te karatia haáfeō i te koekoe oa hina i te tiaporo.

2. O te énata ua pure i te Etua mea ape i te koekoe fēo, aōē e hina i te tiaporo, aōē e hava to ia koekoe i te mīkeo ; mea nui to ia karatia e koaā ia ia ma ēia i te aomaama nei, mea nui me to ia ēkaēka i ūna o te āni ; ō ia te piō i ao ai te Etua ā motii mai te tiaparo i te poi koekoe meitai, i te poi ū tahia oko ia ia.

3. Etiā e hina te tiaporo, ā pure, poponihoo i te Etua me te koekoe hakaie koē, me te koekoe tatai mau i te karatia. Ua ava te pure etiā e hina te tiaporo ; ū peāu hoi te perofeta : Aōē he énata ū vevao pu i te Etua ; ū toko anatu te Etua i te huaā ū pure atu io ia. Me tohe te motii o te tiaporo, umoi te ūhane koē, ūa hina oti ma ēia, ā nui anatu te pure

io letu me Maria. I teia motu ū maimai te Etua ā tohe atu tatou i te motu tina e haāhua atu ; ia ite te Etua i to tatou tohe oko i te motu haāhua atu, ma éia aneiho ūa toko ia tatou, me te hina o te tiaporo.

U peāu Pauro peato : U toitoi noa te Etua, e haku i to ia karatia me te motu o te tiaporo (I, Korin. 10, 13).

Toitoi te hina ia o te tiaporo ia tatou ; toitoi me to tatou taetae hou i ūa o te āni, vaāna e Peraneto peato.

PO 19.

UMOI E HAKAIE PU I TO ŌE MEITAI

1. A tatai mau ōe i te karatia o te Etua. Etiā e pohuē io he āni, ā hopo i te mikeo ; umoi hoi e hakaie pu i to ōe koekoe feō, i to ōe meitai ; na te mea umoi te karatia o te Etua āōē e koāā te hoōhoō i te tekao o te Etua, āōē e koāā te titii i te mikeo, āōē e koāā i te hana atu i te hana meitai. U peāu Pauro peato : « Na tatou aneiho ā tatou, āōē e koāā i titahi metaō meitai (2, Cor. 3, 5).

Umoí te karatia o te Kuhane-Meitai, áòé e koaá i te kaóha toitoi ia Ietu-Kirito (1, Cor. 12, 3).

2. Mea pepeé hoi te koekoe ênata ; atikā, ā tatai mau i te karatia o te Etua. U peáu te perofeta lhaia peenei ā : E nui aé, nui aé te uo i te meitai ta te huaá ū tatai mau i te karatia o te Etua ; e ona me he ona o to akuila ; e heé, e tohuti oko koe te momoū (Ihaia 40, 31). O te ênata ū tetai mau i te vaiéi mai o te Etua ia ia, e pi anatu i to ia karatia, ū meitai anatu to ia koekoe.

3. Ia haaā hopohopo mai te tiaporo maāā, ia peáu mai : Mea oko te tohe anatu i te meitai, umoí e poha to òe éo ia ia, ā heáu io he ani, ā hapai aé i te koekoe io te Etua, ā tatai mau i to ia karatia haā feò koekoe, etiā e hina te tiaporo. Ia hua mai te tiaporo peenei ā : Mea pepeé oko te koekoe ênata ; a peáu me he mea ta Pauro : Na'u anaé, áòó hoi e meitai tu'u koekoe, atika e meitai mea i te karatia o te Etua. Me ke mai Ietu me au, áóe hoi e kiko te tiaporo me au (Phil. 4. 13).

E letu e, àòè hoi au e feu, na te mea ù
tetai mau au i to òe karatia (Ps. 30, 1).

Aoé e titi te Etua ia òe, me pure ò ia
ia (A kut. p.).

PO 20.

I TE TAHA IA OTOA TE ETUA.

1. Etià e koé te mikeo, à metaó aé òé
àòé e taha i toe atu i te noho o te Etua,
ù ite te Etua i te mea ia òtoa, ia òtoa.
U peáu Ieronimo peata : Ia tihe io he
koekoe te me'ao áóé he mea nao i te
Etua, ùa hopo hoi i te mikeo. I hea te èna-
ta pe oko ó te toó i te mikeo, me metao
aé he veàveà anatu te mea e koaá ma
te mikeo ? Aoé he énta koekoe oko
mea putui i te ao o to ia vivini, i te aó o
to ia motua, i te ao, o to ia hakaiki. Pe-
heà te too i te mikeo me metao aé ùa ite
te Etua ?

2. Na hua metao te haàuo i te tau vi-
retu. A tiohi iho i te kape ; noho aà te
hakaiki, ù uo oko átou i te toua puhi, na
te hopo i te ia peke me maeka te puhi i

te toua, na te tatai i te taetae me oko te puihi i te toua. Atii tenei, à metaò ùa ite Etua i te mea ia ôtoa ; ma eia ùa uo mea hano i te tau viretu.

3. Etià e hani ôe i hua metaò taetae oko, à tìohi iho i te paàtai io he tai, he tai ma ùna, he tai ma àò, he tai ma tìtahi taha, he tai ma tìtahi taha Atii aneiho ôe io te Etua ; io te Etua to tatou pohue, io te Etua to tatou hana. Eia tìtahi mea meitai, à nui te hapai i to ôe koekoe io te Etua, me te pure i tìtahi pure poto, mea kaôha atu ia ia.

U hakae te énata mikeo i te Etua, i nui ai to ia mikeo i teia à, i teia à (Ps. 9, 26).

Me maimai ôe i te toô i te mikeo, à imi i te taha naô i te Etua. I hea oa hua taha ? (Akutino p.).

PO 21.

TE KOEKOE HAKAIÈ PU KOÉ

4. Oi teka, mea ke anamai te mea na te énata ta ia, mea ke anatu te mea na

te Etua ta ia. Na te Etua te tau mea meitai ia ôtoa ; na te énata te tau mea nouo me te mikeo. E peheá me i te Etua to tatou mea ia ôtoa, e peheá ú koaà i te Etua te toó iho i to tatou mea ia ôtoa, âôê boi e piô o to tatou hakaié pu, koé nui, koé nui.

2. Etiá e koé nui te hakaié pu : 1° à hopo oko i hua mikeo nouo ; 2° umoi e hakaié pu i to ôe hana meitai ; à peáu me he mea ta Farakiko peato : Etu'u Etua e, me vaiéi mai ôe i titahi mea meitai, umoi ôe e ao i tu'u hakaié pu ; 3° à hopo i te pepeé o to ôe koekoe ; umoi te karatia haafeô koekoe, e hina i te motii o te liaporo.

3. O te enata hakaié pu, âôê e haameitai ia ia anaé ; me ao te Etua à tac te mea haá hakaina ia ia, úa ao me ia ; me meé, me maio te énata ia ia, úa toó i te meé, i te maio i ue i te Etua.

Úa tuku te Etua i to ia karatia i te poi hakaié pu koé ; úa piô i te poi hakaié pu (Pet. 5, 5).

Mei te Etua, mei te énata te haàhaà
atu i te hakaie pu (Eccl. 10, 7).

E hakatu no te topa io he havaii pe
te hakaie pu ; e hakatu no te pohuè io
he àni te hakaie pu koé (Kerek. peato).

PO 22.

TE AOTAHÌ.

1. O te maimai o te koekoe te mea taetae oko i te énata, ô ia te enata tiatohu. Ma te aotahi atu i te tekao o te Etua te utuna atu io te Etua i hua maimai ; ô ia te utuna taetae oko i te Etua.

2. Etià e toitoi, etià e meitai te aotahi i te tekao o to ôe vivini, à metaô aé ô hua mea aneiho te aotahi i te tekao o to ôe vivini me te aotahi i te tekao o te Etua ; na te Etua hoi te hakaiki vivini ; i peáu ai letu-Kiriti peenei â : O te énata ù hakaóno i to ótou tekao, ù hakaóno ia'u : ó te énata u meé atu ia ótou, ù meé mai ia'u (Ruka 10, 16).

3. Etià e iò mai te taetae mei io te Etua ma te aotahi atu : 1° à aotahi poponi-

hoó anamai, umoi hoi te kohumuhumu.
U peáu te tuhuna nui, ò Perenato pea-
to : Me aotahi òe i te tekao o to oe vivini
me te kohumuhumu, àòè he viretu teià,
ù tomi aneiho òe i te pe o to òe koekoe
me te kahu ubi pu.

U aotahi letu tihe i to ia matena, tihe
i te matena i ùna o te peka (Phil. 2, 8).

A óno òtou, e koekoe hakaiè koe to'u
(Mat. 11, 29).

PO 23.

TE KOEKOE MOU.

1. U moú oko, moú oko anatu te koe-
koe o letu. U faaite i te moú o to ia koe-
koe ma te vaiéi i te poi i kaóha koé ia ia.
U ta tia, ù pae tia me te pae taátaá, ù
paoka ia i ùna o te peka, ù maio ia ; ati-
ka, àòè i haáhaá, áòe i huke i te umu, úa
pure i ue i te pòi i maáá atu ia ia, i
peáu ai : A óno òtou, e koekoe moú ta'u
(Mat. 11, 29).

2. A faaite i te moú o to koekoe : 1° ma
to oe mata vaiéi i te poi ù peke atu ia òe.

E pehea he koekoe peke to ôe, umoi e haâtata me te mea e hano ia ôe haâpeke ; e peheà ú haâtata, à mutu ; e peheà ú peáu, à peáu me te éò peêhu me he vai ; à ape hoi io te Etua i te koekoe mou. A mou anatu to ôe tekao i te poi ú peke pu ia ôe, ó ia hoi te tīatohu o te koekoe mou.

3. A faaite i te mou o to ôe koekoe : 2° ma te toó i te meê, i te hini, i te maio, i te hakaina. Me too i te hakaina i ue i te Etua, nuì oko te taetae e koaá ma éiá ; iti iho to taetae e koaá ma te hāaone. U haâtahia te Etua i te poi úa too i te hakaina i ue ia ia.

Ohia he tama oe o te Etua, à mou to oe tekao i te tau énata (2, Timot. 2, 24).

Mamaù te koekoe mou, na te mea no ia te fenua (Mat. 3, 4).

PO 24.

TE KOEKOE TAITAI.

1. Vaána e Eferemo peato. ú tutahi te énata koekoe taitai me te anera. Vaána e

Petero Tamiano, ó te taitai te haâtepeùì o te tau viretu. Ia iô ie koekoe taitai i titahi ènata, ùa koé te ia tau mikeo ; ia koé to ia koekoe taitai, ùa hava i te tau mikeo ke.

2. Mea oko, mea oko te haka-pahi fau-fau o te tiaporo, etià e koé te koekoe taitai. Etià e taitai te koekoe, umoi e haátata me te tau mea e hano i te taitai o te koekoe haákoé ; umoi e afaafi atu me te poi mako ; me afaafi óe me átou, e hina óe opo, vaána e Philipo Nerio peato. Umoi te karatia, àóé hoi e taitai te koekoe o te ènata ; atika àòè e tuku te Etua i te karatia i te poi ù haátata atu me te mea e hano i te taitai o te koekoe haákoé.

Umoi e noho aneiho, e puna mikeo te hopeé Vaána e Ponaventura peato, toótahi tiaporo mea haámotii i te ènata hana i te hana, he mano te tiaporo mea haámotii i te ènata u noho aneiho.

3. Eia tahipito hana e hana atu etià e taitai to óe koekoe : 1º A óòmi i te mai-mai faufau o te tino. A pakaihi i te ma-

ta, umoi e tiohi pe ; á pakaihi i te puai-
na, umoi e hakaòno i te tekao pe : á pa-
kaihi i te fafa, umoi te tekao faufau ; a
pakaihi i te koekoe, umoi e eka i te me-
taò faufau ; á pakaihi i te ima, umoi e toò
faufau:.. umoi te kai oko, umoi te kona.
Ia papua tia titahi pua, titahi tumu me
te feita taátaá, àòé e kai ia huapua, hua
tumu e te tau puaka : atii aneiho no te
koekoe taitai.

2° Umoi te hakaie pu ; koé nui e taitai
te koekoe o te poi hakaie pu.

3° A nui anatu te pure. Umoi te kara-
tia, àòé hoi e taitai te koekoe ènata ; atia
àòé e iò te karatia i te ènata àòé e ape
atu io te Etua.

Mamaù te poi koekoe taitai, e ite àtou
i te Etua (Mat. 5, 8).

A nui te kai i te komunio, á nui te pu-
re io Maria peato ; ma éia te taitai o te
koekoe. E pehea ua hina ó mua i te mo-
tii o te tiaporo, ma éia te haámeitei iho,
me te haátavaé i te peke o te Etua (Fi-
lipo Nerio p.).

PO 25.

TE VAIEI ATU I TE HOA.

1. U patu tia i óto o te hamani tapu peenei á : Na te vaiëi atu i te hoa te haápohué i te éната mei te mate anatu, te hoó i te mikeo, te haákoaá mai i te kaòha i te Etua me te pohué anatu io heáni (Topia 12, 9). Atii to óe vaiëi i te hoa, atii te vaiëi mai o te Etua ia óe. U peáu hoi letu : Me hakaòha koe ótou i te hoa, e hakaòha koe te Etua ia ótou : me meitai ótou i te hoa, e meitai te Etua ia ótou (Mat. 7, 2). I peáu ai Ioane Chrysostome peáto : Ma te vaiëi atu i te hoa te haákoaá i te taetae nui oko mei io te Etua.

2. U peáu Maria Matarena de Pазzy peato : Mea ékaéka oko ia'u te mahaò i te Etua, te hinenaò atu ia ia ; atika mea ékaéka atu tu'u vaiëi atu i te hoa ; eia hoi te pió . Ia pe au i te mahaò i te Etua, úa toko te Etua ia'u ; ia vaiëi au i te hoa, úa toko au i te Etua. Tekao toitoi noa hoi ia ia, ó te kaòha atu i te Etua me te kaòha atu i te hoa, ó hua mea aneiho.

3. U peáu laone peato : O te ènata me te taetae àoe e vaièi te poi kikino, áóé e kaôha hua ènata i te Etua; o peheà áóé e kaôha i te hoa e ite i anei me te kikomata, peheà to ia kaôha atu i te Etua áóé e ite ia nei me te kikomata? (1. loane 3, 17).

I te haátoítoi ia tekao me te Etua, ia paô te aomaâma nei, e peáu letu i te poi kaikino : A memaó atu ôtou mei, io'u, e te poi pe ; à hee atu io he abi veâveâ anatu, i uá no te tiaporo me to ia tau hoa. Na te mea ia mate au i te one, áóé i tafai mai ôtou ia'u ; ia mate au i te maô i te vai, àôé i fainu mai ôtou ia'u ; ia manihii au, áóé i mave mai ôtou ia'u ; ia koe tu'u kahu, áóé i tuku mai ôtou i te kahu ia'u ; ia mate au, áóé i tihe mai ôtou i te kaoha ia'u. E tekao tiatohu hoi ta'u nei ia ôtou : Aóè i mea tia ia'u e ôtou te tau mea ia ôtoa, na te mea àôé i mea tia e ôtou i hua tau ènata kikino (Mat. 25, 41).

A vaièi atu i te ènata e ape nei i te momau, ó ai te i ite o letu ènata oti te ènata e ape nei (Akutino p.).

PO 26.

A TOO I TE MEMAE I UE I TE ETUA.

1. U pohué te énata mea i mate letu-Kirito i úna o te peka. Ua amo letu i te peka mea haaite i to ia kaoha nui i te tau énata ia òtoa ; à amo me tatou i te peka mea haaite i to tatou kaóha atu ia ia. O te peka hoi te tono, te paôpaò, te ue, te memae, te mate. Ua ao te Etua i te memae, ù memae te énata ; ia ao i te mate, ùa mate te énata. Na te kaóha o te Etua te memae o tatou ; à toó tatou i te memae i ue ia ia ; umoi te kohumu-humu, umoi te haàhaà. Ma te amo i te peka o letu te koaà i te mou o te koekoe me te pohué io he àni.

2. Mea ino hoi i te énata te memae ; atiâ me nui to tatou kaóha i te Etua, à tabi á ékaika te memae. A metaò aè i te taetae nui oko e koaà ma èià io te Etua, me toó i te memae i ue ia ia. E peheá ùa hava tatou i te mikeo, e peheá e heana o te tiapofo, à nui to tatou koakoa mea ù oonai te Etua ia tatou i te aomaâma nei ;

e hakatu tiatohu teià ú maimai te Etua i te haápohué ia tatou i úna o te áni.

3. E aha à úa nui te mea ino e tihe mai ia tatou á toò i ue i te Etua. A toò me te kaôha : 1° mea hoko i te umu o to tatou mikeo ; 2° mea hoko i to tatou pohué io he áni ; 3° mea haáite i te Etua i to tatou kaôha ia ia.

Ia tihe te mea ino ia ôe, à nui to oe koakoa (Iakopo 1, 2).

Mamaú te koekoe ue, na te mea e koe to ia ue (Mat. 5, 5).

U pae tia Ietu me te pae taàtaá, mea hakaina te kiritiano ú haátaetae aneiho i to ia tino (Perenato p.).

O te énata ú maimai i te heé mā mui o'u, a haápae ia ia, à amo i to ia peka, me te utai ma nui o'u (Mat. 16, 25).

Ue ana tanu ana, koakoa kahi aná.

PO 27.

TE KAÔHAI TE ETUA

1. Me koê te kaôha o te énata i te Etua, u kaôha hoi i teià momau ke. Ia

koé te kohoa o te énata i te mea avai noa
ó te aomaàma nei, á tahi á nui to ia
hinenaô i te Etua. U maimai ôe e tiohi
aha to ôe kaôha nui i te Etua? A tiohi
aha i koé nui to ôe kohoa i te tau mea
avai noa o te aomaàma nei. Me iti to ôe
kaôha i te Etua i ôto o te pure, i ôto o te
komunio, i ôto o te atoratio Eukaritia,
á métàò na to ôe haátaetae i te mea avai
noa o te aomaàma nei. U peáu Teretia
peato : A titii te kohoa i te mea avai noa
o te aomaàma nei, á imi i te Etua, e
koaá,

2. Mea hakaina ia Rutoviko du Pont
te peáu peenei á : E tu'u Etua, úa ite
tu'u hinenaô i te tau mea ia ôtoa o te
aomaàma nei, i te taetae, i te ékaéka...
ù nui atu tu'u hinenaô ia ôe. E hano
aha te tekao nei, vaána e ia? E hano
peáu : E tu'u Etua, úa iti tu'u hinenaó i
te mutie, i te teita, i te auahi, i te epo ;
nui áó tu'u hinenaó ia ôe ete Etua. Mea
hakaina hua tekao.

3. U peáu Akutino peato : O te énata

ú koaá te Etua ia ia, ú koaá i te taetae ia ôtoa. O te énata áóé i koaá i te Etua, ú koé nui to ia taetae. E aha á úa ió i titahi énata te moni kiki ia ôtoa, me te e ió te Etua ia ia, áóé e koakoa i ôto o to ia koekoe. E aha á úa iô i titahi énata te vivini o te aomaáma nei, me koé te karatia, áóé he koakoa i ôto o to ia koekoe. E aha á úa ono titahí tuhuna i te tekao o te tau énata, me te e ite i te Etua, áóé he koakoa i oto o to ia koekoe.

A ue oe i te Etua to oé Hakaiki i oto o te houpo, i oto o te koekoe, i oto o te kuhane (Mat. 22, 37).

PO 28.

A AOTAHÍ I TE MAIMAI O TE ETUA.

1. Ia tutahi te koekoe me te mea i maimai ia, ú ékaéka. Ua hana te kaôha i te koekoe haátutahi. U maimai hoi te Etua á koáha tatou ia ia, i peáu ai : E tu'u onatama, á tuku mai i to óe koekoe. Ma te tutai me te Etua te pohué koakoa anatu io he áni : ú tutai hoi te

poi meitai me te Etua. O te énata áôé e tutai me te Etua, e veáveá anatu io he ahi i te havaïi pe.

2. O te poi ù kaóha tiatohu i te Etua, ù hoôhoô anatu i to ia maimai, me he mea i hakako tia mai e Ietu peenei : A hoôhoó te énata i to ia éo i te aomaama nei, me he hoôhoó o te poi peato i ûna o te ani. Nui, nui te tuku ta Teretia peato i to ia koekoe i te Etua i teiá á, i teiá á.

3. O te énata ù kaóha tiatohu i te Etua, ùa toó i te ái, i te memae, i te vai mata,.... i ue ia ia, áôé e kohumuhumu, áôé e haàhaà i te faetua i maàá pu ia ia : U peàu aneiho : Ua ao te Etua, ùa ao me au. Atii aneiho ta Iope pi i te maki, taetae koé, meia i te makaka o te tiaporo ia ia, ù peàu aneiho : Na te Etua te mea ù meitai me te mea ùa ino. Ua ao te Etua i tu'u memae, ùa ao me au. Ua ao te Etua i tu'u memae á koé nui, ua ao me au (Iope I, 24). Atii aneiho ta Topia matapo, ù peàu aneiho i to ia vebine : Umaha to óe meé ia'u? Umoi e haàhaà ; à

atoratio, à kaoha i te Etua ; ia ia anaé te pohuè, me te mate, me te vivini o tatou.

Ee vaka okohi Ietu i óto o te papua Oliveti, ù peáu : E tu'u Motua, à memaô hua ipu memae nei ; atika, à tae to ôe maimai, umoi te au (Ruka 22, 42).

Ia koakoa tatou i te maimai o te Etua, ù koakoa te Etua ia tatou (Akutino peato).

PO 29.

TE KAOHA IA IETU KIRITO.

1. Na Ietu-Kirito i faatte ômua ika i to ia kaôha nui oko ia tatou ma to ia vaiéi anamai, ma to ia tau hana, ma to ia matena i úna o te peka, etià e hinenao tatou ia ia. Ua toó te paé taòtaá, te paápaá i te paoka, te peka, to ia tau maki, to ia toto mana. E te huaà énata, à kaôha, à hinenao ia Ietu-Kirito te i mate nui mea luku i te pohuè ia òtou, mea haàkoè i te peke o Iehova.

2. No te toó na to ôe hoa pii i te meé, i te maio, i te kaipipió, i te potoho, i te

ta, i te maki i ue ia ia, e ue hoi ôe ia tihe te ôno i to ôe puaina àôé e maimai to ôe hoa à faki ôe i tahipito ênata i to ia kaôha nui ia ôe ; atika no to ôe haâmeitai ia ia io tahipito ênata, e koakoa to ôe hoa pil. Atii aneiho hoi ta letu-Kirito. U maimai hoi letu à metaô aé tatou i to ia matena i ûna o te peka i ue ia tatou ; û maimai letu à kaôha, a hinenao tatou ia ia.

3. Me he mea àôô i ava te matena o letu, mea haâte i to ia kaôha nui i te huaà ênata, û hakatu i te Eukaritia, i te komunio mea tutai tiatohu noa me te ênata. Ma te komunio û haâtahi te kuhane ênata me te kuhane o letu ; û haâtahi te tino êuata me te tino o letu ; û haâtahi te toto ênata me te toto o letu. Umoi à to tatou kaôha me to tatou hinenao ia letu !

Me koé te kaôha o titahi ênata ia letu, à tau te tau mea ino i hua ênata (I. Cor. 16, 22).

E letu e, a metaò anatu au i to ôe kaô-

ha mai ia'u, etiá e nui aè, nui aè anatu tu'u kaôha ia ôe (St. Anselme).

U hakatu ia te kaôha me te pona, na te pona e haâtutahi i na mea e úa ; na te kaôha e haâtutahi i na énata tokoúa.

PO 30.

TE KAOHA I TE HOA.

1. O te énata ú kaôha i te hoa, àôé he metaò pe no ia, àôé e haape pu ia ia ma oto o te koekoe (I. Corin. 13. 5).

2. O te énata u kaôha i te hoa, àôé e tekao faufau no ia. Mea haáhaà hoi i te Etua, mea haáhaá i te tau énata te éna-ta ú tekao faufau no te hoa. E mea ino te haàmeémeé i te hoa ; e aha à úa naó i titahi fenua ke, umoi e tekao faufau no ia, umoi e haàmeémeé atu ia ia. U peáu Ioteve Kalazan peato : O te énata ú mai-mai i te moú, áôè e titotohe pu me te hoa. U peáu Ietu : Mamaú te koekoe moú, na te mea no ia te fenua (Mat. 5, 4).

3. Aóè i ava te kaóha i te hoa ma te éo anaiho, à haàite i te kaóha ia ia ma te hana meitai, ma te vaièi atu ia ià (I. Ioane 3, 18). A kaóha, á vaièi i te faetua i haáhaá pu, i makaka pu ia ótou. U peáu tia mai hoi o Ietu : A ue ótou i te tau énata i maáá pu ia ótou ; á vaièi ótou i te tau énata i haáhaá ia ótou ; á pure ótou i ue o te tau énata i toua atu me te potoho pu ia ótou (Mat. 5, 44). Mea meitai oko à haátaetae i te poi hoi ; mea koakoa oko i te Etua teiá.

O te énata áòé i kaóha atu i te hoa, áòé i ite hua énata i te Etua ; ó te Etua hoi te tumu o te kaóha (Ioane 4, 8).

A kaóha i te poi i maáá pu ia ótou ; peenei hoi te huke ta te poi kiritiano i te umu (Paulino p.).

PO 31.

A HINENAO I TE ETUA ANEIHO.

1. Etià e pohué io he ani, á tuku i te Etua to ôe énata tiatohu ; á kaóha ia ia

io he koekoe. Na te mea ú kaôha nui oko te Etua i te ênata, ú maimai hoí te Etua à hinenaó aneiho te ênata ía ía ; i peáu ai : O te ênata ú kaôha nui i te motua me te kui, ù kaôha iti ía'ú, àòe he taetae to'ú no ía. O te ênata úa nui te kaôha i te tama mete moi, ua iti te kaôha ía'ú, àòe he taetae to'ú no ía. Mea ii i te Etua te kaôha iti ía ía, te hinenaó iti ía ía, me te hinenaó nui i teia mea ke, i teiá mea ke.

2. Etiá e iò tiatohu te Etua ía òe, à titii i te tau mea ía ótoa, o te aomaáma nei, à tahi à koaa ía òe te peáu : E letu, i titii tia e a'ú te tau mea ía ótoa, á iò tiatohu òe no'ú. Etia e koaá i hua mea nei, á nui anatu te pure ío ía mea ape i te koekoe hinenaó ía ía aneiho. Me he ahi te kaôha ; na hua ahi te haá éhu i te kohoa i te tau mea avai noa o te aomaáma nei, etiá e avai te kohoa i te Etua aneiho.

3. Etiá e iò to òe ênata tiatohu i te Etua, à mea i te mea i àó ího.

1° A hopo i te mikeo, mei te mikeo iti ;
à titii i te koekoe haátekateka.

2° A vae anatu i te mea meitai, te
mea ù haa ékaéka aè i te Etua.

3° A toô me te kaôha i te tau mea e
hano i to ôe hakaie pu haakoe.

A uo i te Etua kaôha, na te mea he
pahinaéo oe no te Etua (Rom. 12. 11).

Ua uo i te Etua kaoha te énata û hana
anatu i te tau hana i peáu tia mai e te
Etua, me te hana atu i ue ia ia (Pabi-
lio p.).



7502

